



Wisconsin Promise Peev Nyiaj Them Rau Cov Kev Pab Tas rau lub 9 Hlis (September) 2018

Qhov no txhais li cas rau koj?

Koj tau cov kev pab mus ntxiv nyob hauv Division of Vocational Rehabilitation (DVR)!

- Koj tus Kws Pab Tswv Yim hauv Promise yuav pab koj.
- Koj yuav tau ua hauj lwm nrog DVR kom ua tiav koj cov hom phiaj kom tau hauj lwm ua.
- Koj yuav tau mob siab dua qub kom thiaj li mus cuag koj cov hom phiaj nrhiav thiab nrhiav tau ib txoj hauj lwm ua.

DVR lub hom phiaj yog kev ua hauj

lwm. Yog koj xav ua hauj lwm, DVR xav pab koj!

Ntawm no yog ib co hau kev ntawm koj feem xyuam yuav taum ua:

- 1 Hu nraim rau peb >>** Hu rau koj tus kws pab tswv yim hauv DVR tsawg kawg ib hlis ib zaug los tauj qab xyuas koj daim phiaj npaj ua hauj lwm.
- 2 Qhia rau peb >>** Qhia rau peb paub yam koj nyiam ua, koj cov kev txawj, yam koj paub, koj cov teeb meem, thiab cov kev txhawj xeeb xwv koj tus kws pab tswv yim hauv DVR thiaj pab tau koj.
- 3 Ua koj feem >>** Koj thiab koj tus kws pab tswv yim hauv DVR yuav tham txog koj cov luag hauj lwm, yam uas koj yuav tau ua kom mus cuag tau koj cov hom phiaj ua hauj lwm. Taug qab ua kom mus raws li cov luag hauj lwm uas koj thiab koj tus kws pab tswv yim hauv DVR tau pom zoo.
- 4 Mus ntsib raws li cov sij hawm tau teem tseg >>** Mus tsis tau? Tej no yeej muaj. Tab sis yuav tau nco ntsoov hu rau DVR qhia lawv paub tias koj tuaj mus tsis tau raws li tau teem tseg.

Txhawj tias DVR pab tau koj dab

tsi? Saib ib co kev pab uas DVR muaj pab koj:

Kev Pab Tswv Yim thiab Qhia Txog Hauj Lwm Hauv Lub Neej >> Nrhiav koj txoj (cov) kev ua hauj lwm nrog peb.

Kev Pab Nrhiav Hauj Lwm thiab Tau Hauj Lwm >> Nrhiav tau ib txoj hauj lwm koj nyiam.

Cov Kev Pab Txhawb thiab Kho Kom Txoj Hauj Lwm Haum Koj >> Nrhiav tau ib txoj hauj lwm haum raws li qhov koj xav tau.

Kev Cob Qhia thiab Kev Kawm Ntawv >> Kev cob qhia uas koj xav tau kom mus tau ib txoj hauj lwm.

Kev Npaj Tsheb Thauj Mus Los thiab Cov Kev Txhawb Zog >> Tsim kom tau ib daim phiaj npaj kom mus tau ib txoj hauj lwm.

Cov Kev Pab Tom Qab Tau Txoj Hauj Lwm >> Pab kom koj tuav tau txoj hauj lwm tsis poob.



Wisconsin Promise Peev Nyiaj Them Rau Cov Kev Pab Tas rau lub 9 Hlis (September) 2018

Cov Lus Kheev Nug

- **Wisconsin Promise tas thaum twg?** Wisconsin Promise tas rau lub 9 Hlis (September) 2018, tab sis koj yuav tau txais cov kev pab hauv DVR mus ntxiv.
- **Kuv puas yuav tau rov qab ua ntawv thov DVR cov kev pab dua?** Tsis tas ua.
- **Leej twg yuav pab kuv rau ntawm qhov hloov pauv no?** Koj tus Kws Pab Tswv Yim hauv Promise yuav qhia koj rau koj tus Kws Pab Tswv Yim tshiab hauv DVR kom nws paub koj. Koj tus Kws Pab Tswv Yim hauv Promise yuav ua kom paub tseeb tias koj thiab koj tus Kws Pab Tswv Yim tshiab hauv DVR ua hauj lwm ua ke los mus tsim koj daim phiaj npaj rau kev ua hauj lwm. (Thov nco cia: *Tej zaum* koj tus Kws Pab Tswv Yim hauv Promise kuj yuav cia li ua hauj lwm nrog koj li yog koj Tus Kws Pab Tswv Yim hauv DVR mus ntxiv.)
- **Kuv yuav tham nrog leej twg yog kuv muaj lus nug los yog muaj lus txhawj xeeb dab tsi?** Tham nrog koj tus Kws Pab Tswv Yim hauv Promise Counselor los yog koj tus Kws Pab Tswv Yim tshiab hauv DVR Counselor yog koj muaj lus nug thiab txhawj xeeb. Yog koj hu tsis tau koj tus Kws Pab Tswv Yim tshiab:
 - Hu rau DVR qhov chaw khiav hauj lwm hauv zos <https://dwd.wisconsin.gov/dvr/locations/>
 - Hu rau Promise Tus Xov Tooj Hu Dawb: 1-855-480-5618
 - Hu rau DVR Tus Xov Tooj Hu Dawb: 800-442-3477
- **Kuv yuav ua li cas yog tias kuv, los yog lwm tus neeg hauv kuv tsev neeg, tseem xav tau cov kev pab uas Promise tau pab yav tas los?** Ua ntej Promise cov kev pab yuav tas, thov tham nrog koj tus Kws Pab Tswv Yim hauv Promise thiab Tus Kws Muab Kev Pab Tswv Yim rau Promise Tsev Neeg hais txog qhov muab koj txuas mus rau cov chaw uas muaj kev pab koj. Koj tus Kws Pab Tswv Yim hauv Promise yuav muab tej ntaub ntawv uas muaj qhia txog cov chaw muaj kev pab rau koj uas koj siv tau.
- **Wisconsin Promise thiab DVR cov kev pab sib txawv li cas?**
 - Tas nrho Wisconsin Promise thiab DVR yog muab kev pab rau cov neeg muaj mob xiam oob qhab kom nrhiav tau ib txoj hauj lwm ua thiab pab kom tuav tau txoj hauj lwm tsis poob.
 - Wisconsin Promise yog muab kev pab mus ib ntus xwb (10/1/13 mus txog 9/30/18). DVR yog muab kev pab mus kom txog rau thaum koj mus cuag tau koj lub hom phiaj tau ib txoj hauj lwm ua raws li tau muab teev rau hauv koj daim phiaj Individualized Plan for Employment (IPE).
 - Cov hluas uas nyob hauv Wisconsin Promise tau txais cov kev pab los ntawm Promise thiab DVR ob qho tib si.



Qhov Sib Txawv ntawm Wisconsin Promise thiab DVR Cov Kev Pab

Promise Cov Kev Pab

Kev Pab Cuam Mus Ib Ntus Xwb >> Tas rau thaum lub 9 Hlis (September) tim 30, 2018.

Kev Rau Npe >> Koj rau npe kom tau txais kev pab thaum hnuv nyoog 14-16 xyoos.

Individualized Plan for Employment (IPE) >>

Koj ua hauj lwm nrog koj tus Kws Pab Tswv Yim hauv Promise los sau koj lub hom phiaj thiab koj daim phiaj npaj kom mus cuag tau koj lub hom phiaj tau hauj lwm, los yog sau ib daim phiaj IPE.

Cov Neeg Hauv Koj Tsev Neeg >> Kuj tau cov kev pab los ntawm Promise kom mus cuag tau cov hom phiaj ua hauj lwm.

Cov Kws Pab Tswv Yim >> Promise Cov Kws Pab Tswv Yim yuav hu rau koj tsawg kawg ib hlis ib zaug txawm yuav muaj dab tsi los tsi muaj.

Cov Kev Pab >> Muaj **tas nrho** DVR cov kev pab **ntxiv rau:**

- kev cob qhia tswv yim pab tsev neeg
- kev cob qhia txog fab nyiaj xtiag nrog rau cov as-khauj tso nyiaj
- kev cob qhia txog kev noj qab haus huv

DVR Cov Kev Pab

Kev Pab Cuam ntawm Xeev Wisconsin Program >> Cov kev pab yuav muaj mus kom txog rau thaum koj mus cuag tau koj cov hom phiaj ua hauj lwm uas muab teev rau hauv koj daim phiaj Individualized Plan for Employment (IPE).

Kev rau npe >> Koj rau npe kom tau txais kev pab rau hauv DVR thaum koj rau npe rau hauv Wisconsin Promise.

Individualized Plan for Employment (IPE) >> Koj siv tau koj daim phiaj IPE uas koj sau nrog koj tus Kws Pab Tswv Yim hauv Promise mus ntxiv thiab muab kho dua tshiab thaum muaj tej yam tshiab.

Cov Neeg Hauv Koj Tsev Neeg >> Tau DVR cov kev pab yog hais tias lawv muaj mob xiam oob qhab, ua ntawv thov cov kev pab, thiab pom tias tsim nyog muaj feem tau txais.

Cov Kws Pab Tswv Yim >> DVR Cov Kws Pab Tswv Yim yuav kom koj yog tus ntaus thawj hu rau lawv hais txog:

- taug qab ua yam uas koj pom zoo ua
- hu rau lawv tsis so
- hais kom lawv pab thaum koj xav tau kev pab
- qhia lawv paub seb txoj kev twg yog txoj zoo tshaj plaws uas yuav hu tau rau koj
- qhia lawv paub thaum koj tej xov tooj los yog lwm yam uas yuav hu tau rau koj pauv

Cov Kev Pab >> kuj muaj xws li:

- kev pab tswv yim thiab qhia txog hauj lwm hauv lub neej
- kev cob qhia ua hauj lwm thiab kev kawm ntawv
- cov cuab yeej siv (assistive technologies)
- kev npaj tsheb thauj mus los thiab kev txhawb zog
- kev pab nrhiav hauj lwm thiab tau hauj lwm
- cov kev pab txhawb thiab kho kom txoj hauj lwm haum koj
- pab tswv yim txog cov kev pab nyiaj raws li koj tus kheej cov kev xav tau
- kev cob qhia txog kev paub muab tswv yim pab tus kheej thiab cov kev txawj fim nrog lwm tus ntawm kev ua hauj lwm